

Un dia amargo den bida

A detene Poentje cu dos laptop di Claudius Philips

ORANJESTAD.(AAN); — Ayera ora cu a bira conoci cu autoridad a pone man riba "Poentje" el a cay manera un baño frieu.

Manera ta conoci e ciudadano Cludus Philips a bira victima di ladronicia y kiebros na su residencia.

Un dolor pa tur esnan cu a yega di bira victima di ladron esaki e tambe a sinti como un ser humano

Corectamente el a entrega denuncia oficial y el a publica den Diario hasta ilustra cu foto entre otro articulan cu a wordo horta na su cas.

Encorto mayoria di nos poblacion ta lesa Diario y un di esnan involvi lo mester a lesa e articulo y ta un advertencia caba pa tene cuenta cu ladron lo por ofrece e articulan horta pa compra.

Aparentemente varios di esnan deteni lo tabata sa entre otro cu posiblemente e locual nan a compra of a wordo ofreci lo ta procedente di hortamento.

Investigacion mientras tanto a inicia y detencion a cuminsa cay ora cu a detene dos trahador di compra y benta pa interrogacion, pa despues laga nan den libertad.

Pero a sali na claridad kende lo a ofrece pa enpeña e articulo, a base cu e despacho di compra y benta mester tin, tur cu ta ofrece articulo pa enpeña, registra cu identificacion direccion etc.

Detencionnan a cuminsa cay. A detene un tal Arrow, a sigui un tal Jacobs, sigui pa un tal Frans y ayera "Poentje"

tambe a wordo detene na su cas.

Sigur un dia amargo pa Poentje presentador di e

programa popular "Un dia den Bida". Parce Poentje tabata tin e dos laptopnan cu

ta procedente di ladronicia den su pover.

No ta exclui cu lo tin mas detencion cu lo cay relaciona

cu ladronicia na residencia di e artista Arubano Claudius Philips.

Despues di cambio di cos horta na El Triunfo e caso a cuiminsa cana

Poentje Castro tin dianan largo ta cana cu laptop horta di Claudius Phillips

ORANJESTAD.(AAN); — Poentje Castro ta den un problema serio cu loke el a haci.

El a compra of haya un laptop horta cual a resulta di ta procedente di un ladronicia den cas di Claudius Philips.

E mes no a horta e laptop pero tabata sa cu esaki tabata procedente di ladronicia.

Den mesun laptop tabata tin algun grabacion di Claudius cual Poentje a conta hende di dje.

E no a bisa cu e tabata tin laptop.

Mas bien a comenta riba e grabacion.

For di practicamente un of

dos dia despues di e ladronicia na cas di Claudius na Wayaca Residence parce cu Poentje a wordo acerca pa esnan cu tabata tin e laptop horta.

Despues di esey Claudius mes a pasa na diferente Radio pa bisa loke cu el a perde. Fotonan y grabacion di su mama sigur ta algo cu Claudius kier a haya bek.

Un cos por ta sigur cu Poentje na dado momento tabata sa bon cu laptop tabata di Claudius.

E investigacion di recherche a conduci na varios detencion. Te hasta trahadornan di El Triunfo cu a tuma otro cosnan

horta na cas di Claudius a ser interroga y despues laga liber.

Den corant tambe a sali cu a detene hende den e caso di ladronicia pa motibo di e holoshi corta di Claudius.

Esaki tampoco a encurasha Poentje pa bai hiba e laptop di Claudius pa polis of pa su doño bek.

Diabierna algo pasa di 11 or di mainta recherche cu a haya autorizacion di ministerio publico a bai detene Poentje na su oficina den Weststraat. Cu' man geboei a bin afor cune.

Na warda sub fiscal a prolonga su detencion y el a keda sera tambe su prome

anochi.

E noticia aki a plama mesora despues cu un boletin a bai den aire.

Parce cu Poentje a laga sa cu e tabata tin e laptop pa su uso propio y no a haya necesario pa entrega esaki.

Encubrimiento ta algo hopi serio y tin castigo halto riba dje.

Cumpra cos horta te hasta tin biaha ta mas castigable y huez no ta chansa den situacionnan asina.

Den bida hende mester echt cuida nan imagen y casonan asina ta algo cu pa hopi tempo por laga un hende perhudica..